



Orain 30 urtez geroztikako hazkundeak aldaketa sakonak eragin ditu, egitura demografikoetan ezezik gizarte berriari egokitzeko azpiegiturretan. Argazkian Nerbioi ezkeraldea. SIMAL

Egungo 'galerek' orduko 'irabazien' ondorio txarrak konpon ditzakete

Bizimodua hobetzeko aukera dakar geldialdi demografikoak

JOSE MARI PASTOR / DONOSTIA

'Euskal Herriko demografia-ren bilakaera' lanean azken hamarkadako garapenean izaniko 'galerei' buruzko gogoetak ageri dira. Bertan egoerari ikuspuntu positibotik heltzea proposatzen dute lehenagoko 'irabazien' kalteak konpontzeko. Kontua ez litzateke soilik bizilagun kantitatea, baizik eta beraien bizimoduaren kalitatea ere bai.

Ikerketaren azken zati honetan erlatibizatu egiten dira Euskal Herrian hamar urteotako biztanle beherakadaz egin diren komentarioak.

Balorazio hauek «eztabaida-garriak bada ere» neurri batean egia direla errekonoiztzen du informeak. Hala ere, txostenak ez du egokitzen jotzen azken hamarkada honetako datuak eta 1960 eta 1981. urte bitartekoak kontrajarriak bezala aipatzea, «hogei urte horietan gertatutako guztia ona balitz bezala».

SIADECoren ustetan, hazkunde demografiko hutsari «hazkunde izategatik» oniritzi izan zaio, prozesu honek eragin dituen kalteak ahaztuz.

Ondorio txar hauek honoko hauek lirateke SIADECoren ustez: Hegoaldeko herrialde

✓ Txostenak ez du egokitzen jotzen azken hamarkada honetako datuak eta 1960-1981 urte bitartekoak kontrajarriak bezala aipatzea, «20 horietan gertatutako guztia ona balitz bezala».

guztietan neurrigabeko hazkunde gertatu izana, batez ere Bizkaian eta Gipuzkoan; orduar arteko hazkunde erritmoak apurto eta beste eredu guztiz behartuak ezarri izana; aldaketa sakonak egitura demografikoetan, adin egitura desorekatuz eta bizilagun guztien beharrei erantzuteko edozelango azpiegiturak sortu izana.

Sasoi haietan egiten zen guztia baliozkotzat jotzen zen «ona edo txarra izan», kalitateari baino kantitateari erreparatzen baitzitzaien. «Desarrollismo inkontrolatuaren garaien» ondorio hauek bizirik segitzen dute orain baina bada artezteko aukera azken urteotan gertatu den geldialdi

demografikoa dela medio. Honetarako ezinbestekoa da galdetzea, elkartearen ustez, orduko 'irabazien' garaia oraingo 'galera' denborak baino hobeak ote ziren, «zertan eta norentzat».

Egoerari buelta eman dakiokeela argudiatzen du ikerketak.

GAIZKI EGINAK KONPONDU


Lanak gauzatu beharreko zenbait neurri aipatzen ditu ondoren «gaizki egindakoak zuzentzen eta kalitatezko egitura demografiko, sozio-ekonomiko eta sozio-kultural bat eraikitzen ahalegintzeko»:

- Ingurugiroa eta ekologia berreskuratu, eta hobetzea.
- Hirigintzan egin diren aldrebeskeriak konpontzea, azpiegitura eta ekipamenduetan onerako aldaketak burutzeko.
- Hain zigorturik gertatu den nekazaritzari irtenbide berriak aurkitzea kalitatezko produktuak landuz eta ingurugiroa babestuz.
- Industriagintzaren krisialdiari irtenbide egoki bat bilatzea.
- Irakaskuntzaren kalitatea bermatzea ikasle kopuruaren beherakada aprobetxatuz.
- Integrazio sozio-kulturala egitea kanpotik etorritakoek euskara ikasi eta bertokoein gizarte berri eraikitzen bat egiteko.

BIZITZA KALITATEA HOBETZEKO IRTENBIDEAK



1 Hain degradatuta dauden ingurugiroa eta ekologia berreskuratu, kontserbatu eta hobetzea.




2 Hirigintzan egiten diren aldrebeskeriak konpondu eta gure hiri eta herrietako azpiegitura eta ekipamenduetan hobekuntza sakonak egitea.



3 Nekazaritzari irtenbide berriak aurkitzen laguntzea, produktuak landuz eta ingurugiroa babestuz.



4 Industriegintza jasaten ari den krisialdiari konponbide egokia bilatzen ahalegintzea.



5 Irakaskuntza kalitatea hobetzea ikasle kopuruaren beherakada aprobetxatuz.



6 Integrazio sozio-kulturala egitea, kanpotik etorritakoak bertakotzeko, euskara ikasteko eta bertakoein gizarte berri bat eraikitzearen.